



0 1 2 3 4 5 6 7 8 9 10 1 2 3 4 5 6 7 8 9 20 1 2 3 4 5 6 7 8 9 20 JAPAN TAIBA

文選正文卷之三

早稻田大學
圖書館藏書

つた文庫

賦類

登樓賦

王粲

登茲樓以四望兮，聊假日以消憂。覽斯宇之所處兮，實顯敞而寡仇。挾清漳之通浦兮，倚曲沮之長洲。背墳衍之廣陸兮，臨臯隰之沃流。北彌陶牧，西接昭丘。華實蔽野，黍稷盈疇。雖信美而非吾土兮，曾何足以少留。遭紛濁而遷逝兮，漫踰紀以迄今。情眷眷而懷歸兮，孰憂思之可任。憑軒檻以遙望兮，向北風而開襟。平原遠而極目兮，蔽荆山之高岑。路逶迤而修邇兮，川既漾而濟深。悲舊鄉之壅隔兮，涕橫墜而弗禁。昔尼父之在陳兮，有歸歟之歎。昔鍾儀幽而楚奏兮，莊馬顯而



越吟人情同於懷土兮豈窮達而異心惟日月之逾邁兮俟
河清其未極與王道之一平兮假高衢而騁力懼匏瓜之徒
懸兮畏井渫之莫食步樓遲以徙倚兮白日忽其將匿風蕭
瑟而並興兮天慘慘而無色獸狂顧以求羣兮鳥相鳴而舉
翼原野闊其無人兮征夫行而未息心悽愴以感發兮意忉
怛而憎惻循階除而下降兮氣交憤於胷臆夜參半而不寐
兮悵盤桓以反側

遊天台山賦

并序

孫綽

天台山者蓋山嶽之神秀也涉海則有方丈蓬萊登陸則有
四明天台皆玄聖之所遊化靈仙之所窟宅夫其峻極之狀
嘉祥之美窮山海之瓊富盡人神之壯麗矣所以不列於五

嶽闕載於常典者豈不以所立冥奧其路幽廻或倒景於重
溟或匿峰於千嶺始經魑魅之塗卒踐無人之境舉世罕能
登陟王者莫由禋祀故事絕於常篇名標於奇紀然圖像之
興豈虛也哉非夫遺世訛道絕粒茹芝者烏能輕舉而宅之
非夫遠寄冥搜篤信通神者何肯遙想而存之余所以馳神
運思晝詠宵興俛仰之間若已再升者也方解纓絡永託茲
嶺不任吟想之至聊奮藻以散懷

太虛遼廓而無闕運自然之妙有融而爲川瀆結而爲山阜
嗟台嶽之所奇挺實神明之所扶持蔭牛宿以曜峯託靈越
以正基結根彌於華岱直指高於九疑應配天於唐典齊峻
極於周詩邈彼絕域幽邃窮窪近智者以守見而不之之者

以路絕而莫曉。洒夏蟲之疑冰，整輕翮而思矯理。無隱而不彰，啓一奇以示兆。赤城霞起以建標，瀑布飛流以界道。覩靈台嶺之可攀，亦何羨於層城。釋域中之常戀，暢超然之高情。被毛褐之森森，振金策之鈴鈴。披荒榛之蒙龍，陟峭崿之崕嶮。濟柵溪而直進，落五界而迅征。跨穹隆之懸磴，臨萬丈之絕冥。踐莓苔之滑石，搏壁立之翠屏。攬樛木之長蘿，援葛藟之飛莖。雖一冒於垂堂，乃永存乎長生。必契誠於幽昧，履重險而逾平。既克躋於九折，路威夷而脩通。恣心目之寥朗，任緩步之從容。藉萋萋之纖草，蔭落落之長松。覲翔鸞之裔裔，聽鳴鳳之噭噭。同唯過靈溪而一濯疏，煩想於心。曾蕩遺塵於旋。

流發五蓋之遊蒙，追羲農之絕軌。躡二老之玄蹤，降信宿迄于仙都。雙闕雲竦以夾路，瓊臺中天而懸居。朱閣玲瓏於林間，玉堂蔭映於高隅。彤雲斐亹以翼櫺，暎日炳晃於綺疏。八桂森挺以凌霜，五芝含秀而晨敷。惠風佞性芳於陽林，醴泉涌溜於陰渠。建木滅景於千尋，琪樹璀璨而垂珠。王喬控鶴以冲天，應真飛錫以躡虛。騁神變之揮霍，忽出有而入無。於是遊覽旣周，體靜心閒。害馬已去，世事都捐。投刃皆虛，目牛無全。凝思幽巖，朗詠長川。爾乃羲和亭午，遊氣高褰。法鼓琅以振響，衆香馥以揚烟肆。觀天宗爰集，通仙挹以玄玉之膏。漱以華池之泉，散以象外之說。暢以無生之篇，悟遣有之不盡。覺涉無之有間，泯色空以合跡。忽卽有而得玄，釋二名之

文選正文卷之三
同出消一無於三幡恣語樂以終日等寂默於不言渾萬象以冥觀兀同體於自然

蕪城賦

鮑昭

瀟遝平原。南馳蒼梧。漲海北走。紫塞鴈門。施以漕渠。輶以崑岡。重江複關之隩。四會五達之莊。當昔全盛之時。車挂轄人駕。肩塵閉撲地。歌吹沸天。孳貨鹽田。鍊利銅山。才力雄富。十馬精妍。故能侈秦法佚周令。劃崇墉剗濬洫。圖脩世以休命。是以板築雉堞之殷。井幹烽櫓之勤。格高五嶽。袤廣三墳。崿若斷岸。矗似長雲。製磁石以禦衝。糊楨壤以飛文。觀基局之固護。將萬祀而一君。出入三代。五百餘載。竟瓜剖而豆分。澤袞依井。荒葛胥塗。壇羅虺蠚。階闌麝鼯。木魅山鬼。野鼠城狐。

風晦雨肅。昏見晨趨。饑鷹厲吻。寒鵠嘶雛。伏虢藏虎乳。血餐膚。崩榛塞路。崢嶸古道。白楊早落。塞草前衰。稜稜霜氣。軟軟風威。孤蓬自振。驚砂坐飛。灌莽杳而無際。叢薄紛其相依。通池既已夷峻隅。又以頽直視千里外。唯見起黃埃。凝思寂寥。心傷已摧。若夫藻局黼帳。歌堂舞閣之基。琬淵碧樹。弋林釣渚之館。吳蔡齊秦之聲。魚龍爵馬之玩。皆薰歇燼滅。光沈響絕。東都妙姬。南國麗人。蕙心純質。玉貌絳唇。莫不埋冤幽石。委骨窮塵。豈憶同舉之愉樂。離宮之苦辛哉。天道如何。吞恨者多。抽琴命操。爲蕪城之歌。歌曰。邊風急兮。城上寒。井徑滅兮。丘隴殘。千齡兮萬代。共盡兮何言。

魯靈光殿賦

并序

王延壽

魯靈光殿者，蓋景帝程姬之子恭王餘之所立也。初恭王始都下國，好治宮室，遂因魯僖墓兆而營焉。遭漢中微，盜賊奔突，自西京未央建章之殿皆見隳壞，而靈光巋然獨存。意者豈非神明依憑支持以保漢室者也？然其規矩制度上應星宿，亦所以永安也。予客自南鄙觀藝於魯覩斯而貽曰：嗟乎！詩人之興感物而作，故奚斯頌僖歌其路寢，而功績存乎辭德音昭乎聲物以賦顯事以頌宣匪賦匪頌將何述焉？遂作賦曰：

粵若稽古，帝漢祖宗，濬哲欽明，殷五代之純熙，紹伊唐之炎精，荷天衢以元亨，廓宇宙而作京敷皇極，以創業協神道，而太寧。於是百姓昭明，九族敦序，乃命孝孫俾侯于魯，錫介珪，

以作瑞宅，附庸而開宇，乃立靈光之秘殿，配紫微而爲輔承，明堂於少陽，昭列顯於奎之分野，瞻彼靈光之爲狀也。則嗟峨峩嵬崑崙嶧崿吁，可畏乎其駭人也！迢嶢倜儻，豐麗博敞，洞轉轄兮其無垠也。邈希世而特出，差瓊綺而鴻紛，屹山峙以紆鬱，隆崛崿乎青雲，鬱坱圠以增嵒嵒，繪綾而龍鱗，汨磴以璀璨，赫燁燁而燭坤，狀若積石之鏘鏘，又似乎帝室之威神，崇墉岡連以嶺屬，朱闕巖巖而雙立，高門擬于閨闥，方二軌而並入。於是乎乃歷夫太階以造其堂，俯仰顧盼，東西周章，形彩之飾徒何爲乎？湛湛泔泔，流離爛熳，皓璧皓曜，以月照丹柱，欵絕而電烻，霞駭雲蔚，若陰若陽，灌濩燐亂，煇煌煌煌，隱陰夏以中處，瀛寥寥以崕嶧，鴻爌熳以燦闔，廡蕭條。

而清冷動滴瀝以成響殷雷應其若驚耳嘈嘈以失聽目曠
曠而喪精駢密石與琅玕齊玉璫與璧英遂排金扉而北入
宵藹藹而曉曠旋室姪娟以窈窕洞房叫寂而幽邃西廂跡
躅以閑宴東序重深而奧祕屹聳暝以勿罔屑屬翳以懿渾
兎悚悚其驚斯心懼懼而發悸於是詳察其棟宇觀其結構
規矩應天上憲_斯斯_也偏危雲起嶽峯離樓三間四表八維九
隅萬楹叢倚磊砢相扶浮柱昭嶺以星懸漂嶺_也而枝柱飛
梁偃蹇以虹措揭蘧蘧而騰湊層櫨礧危以岌岌曲枅要紹
而環勾芝楠攢羅以戢晉枝掌杪杪而斜據傍天螭以橫出
互勦糾而搏負下弗蔚以璀璨上崎嶇而重注捷獵鱗集支
離分赴縱橫駱驛各有所趣爾乃懸棟結阿天窓綺疎圓淵

方井反植荷渠發秀吐榮菡萏披敷綠房紫菂窟窿垂珠雲
柰藻悅龍桷彫鏤飛禽走獸因木生姿奔虎攫擎以梁倚危
奮豐而軒髻虬龍騰驤以蜿蟺領若動而躊躇朱鳥舒翼以
峙衡騰蛇螺蚌而遶棖白鹿子媿於樽櫨蟠螭宛轉而承櫙
狡兔跔伏於柵側狡狹攀椽而相追玄熊蚺蛇以斷_{音銀}却負
戴而蹲跋齊首目以瞪眇徒脈脈而标窌胡人遙集於上楹
儼雅跔而相對迄歛以鶻耽頸頸而睽睢狀若悲愁於
危處憐_{同憐}頻蹙而含悴神仙岳岳於棟間玉女闌窓而下視忽
矚眇以響像若鬼神之旁_{音旁}圖畫天地品類羣生雜物奇怪
山神海靈寫載其狀託之丹青千變萬化事各繆形隨色象
類曲得其情上紀開闢遂古之初五龍比翼人皇九頭伏羲

鱗身女媧蛇軀鴻荒樸畧厥狀睢盱煥炳可觀黃帝唐虞軒冕以庸衣裳有殊下及二后淫妃亂主忠臣孝子烈士貞女賢愚成敗靡不載敘惡以誠世善以示後於是乎連閣承宮馳道周環陽榭外望高樓飛觀長塗升降軒檻曼延漸臺臨池層曲九成屹然特立的爾殊形高徑華蓋仰看天庭飛陛揭孽緣雲上征中坐垂景煩視流星千門相似萬戶如一巖突洞出逶迤詰屈周行數里仰不見日何宏麗之靡靡咨用力之妙勤非夫通神之俊才誰能克成乎此敷據坤靈之寶勢承蒼昊之純殷包陰陽之變化含元氣之烟煴玄醴騰涌於陰溝甘露被宇而下臻朱桂黝儻於南北蘭芝婀娜於東西祥風翕習以颯灑激芳香而常芬神靈扶其棟宇歷千載而彌堅永安寧以祉福長與大漢而久存實至尊之所御保延壽而安子孫苟可貴其若斯孰亦有云而不珍亂曰形容靈宮歸寢穹崇紛厖鴻分崩勞嵫釐岑崟窟疑駢龍從今連拳偃蹇嵩菌蹉跎傍欹傾今歛歛幽靄雲覆靄靄洞杳冥今葱翠紫蔚礪碨瑰瑋含光晷今窮奇極妙棟宇已來未之有今神之營之瑞我漢室永不朽兮

景福殿賦

何晏

大哉惟魏世有哲聖武創元基文集大命皆體天作制順時立政至于帝皇遂重熙而累盛遠則襲陰陽之自然近則本人物之至情上則崇稽古之弘道下則闡長世之善經庶事既康天秩孔明故載祀二十三而國富刑清歲三月東巡狩至

於許昌望祠山川考時度方存問高年率民耕桑越六月既望林鍾紀律大火昏正桑梓繁蕪大雨時行三事九司宏儒碩生相與感乎溽暑之伊鬱而慮性命之所平惟岷越之不靜寤征行之未寧乃昌言曰昔在蕭公暨于孫卿皆先識博覽明允篤誠莫不以爲不壯不麗不足以一民而重威靈不飾不美不足以訓後而示厥成故當時享其功利後世賴其英聲且許昌者乃大運之攸戾圖識之所旌苟德義其如斯夫何宮室之勿營帝曰俞哉玄輅旣駕輕裘斯御乃命有司禮儀是具審量日力詳度費務鳩經始之黎民輯農功之暇豫因東師之獻捷就海陸之賄賂立景福之秘殿備皇居之制度爾乃豐層覆之耽耽建高基之堂堂羅疏柱之汨汨肅

抵鄂之鏘鏘飛櫛翼以軒翥反宇轍以高驥流羽毛之歲粲垂環玭之琳琅參旗九旒從風飄揚皓旰旰丹彩煌煌故其華表則鎬鎬鑠鑠赫奕章灼若日月之麗天也其奧秘則翳蔽曖昧矯鬢退輶若幽星之纏連也旣櫛比而攢集又宏璉以豈敞兼苞博落不常一象遠而望之若摘朱霞而耀天文迫而察之若仰崇山而戴垂雲嗟瓊瑋以壯麗紛或或其難分此其大較也若乃高甍崔嵬飛宇承霓縣纏黽壽隨雲融泄鳥企山峙若翔若滯峨峨巒巒罔識所居雖離朱之至精猶眩曜而不能昭晰也爾乃開南端之豁達張筭虞之輪幽華鍾杌其高懸悍獸佞性以僂陳體洪剛之猛毅聲訇噭其若震爰有遐狹鎔質輪茵坐高門之側堂彰聖主之威神芸

若克庭槐楓被宸綏以萬年絆不以紫榛或以嘉名取寵或以
美材見珍結實商秋敷華青春藹藹萋萋馥馥芬芬爾其結
構則脩梁彩制下塞上奇枅栱複疊勢合形離艳如宛虹赫
如奔螭南岠陽榮北極幽崖任重道遠厥庸孔多於是列縣
形之繡桷垂琬琰之文璫蠶不若神龍之升降不若明月之流
光爰有禁橚勒分翼張承以陽馬接以圓方斑間賦白疎密
有章飛柳鳥踊雙轍是荷赴險凌虛獵捷相和皎皎白間離
離名列錢晨光內照流景外熾烈若鈞星在漢渙若雲梁承天
驅徒增錯轉縣成郭芳磬倒植吐被芙蓉繚以藻井編以絳
疏紅葩鞶鞚丹綺離婁茵苔絕翕纖縷紛敷繁飾累巧不可
勝書於是蘭柂積重寢數矩設櫟櫨各落以相承樂拱天嶠
而交結金楹齊列玉鳥承跋青瑣銀鋪是爲閨闥雙枚既脩
重梓乃飾槐栱緣邊周流四極矣衛之班藩服之職溫房承
其東序涼室處其西偏開建陽則朱炎豔啓金光則清風臻
故冬不淒寒夏無炎暉鉤調中適可以永年墉垣礪基其光
照照周制白盛今也維縹落帶金釭此焉二等明珠翠羽往
往而在欽先王之尤塞悅重華之無爲命其工使作續明五
采之彰施圖象古昔以當箴規椒房之列是隼是儀觀虞姬
之容止知治國之佞臣見姜后之解佩前世之所遵賢鍾
離之讐言懿楚樊之退身嘉班妾之辭輦偉孟母之擇隣故
將廣智必先多聞多聞多雜多雜眩真不眩焉在乎擇人
故將立德必先近仁欲此禮之不尊是以盡乎行道之先民

朝觀夕覽何與書紳若乃階除連延蕭蔓雲征櫺檻邳張鉤錯矩成楣類騰蛇楣似瓊英如螭之蟠如虬之停玄軒交登光藻昭明騶虞承獻素質仁形彰天瑞之休顯照遠戎之來庭陰堂承北方軒九戶右个清宴東西其宇連以永寧安昌臨圃遂及百子後宮攸處處之斯何窈窕淑女思齊微音聿求多祐其祐伊何宜爾孫子克明克哲克聰克敏永錫難老兆民賴止於南則有承光前殿賦政之宮納賢用能詢道求中疆理宇宙甄陶國風雲行雨施品物咸融其西則有左城右平講肄之場二六對陳殿翼相當僻脫承便益象戎兵察解言歸譽諸政刑將以行令豈惟娛情鎮以崇臺實曰永始復閣重闈猖狂是俟京庾之儲無物不有不虞之戒於是焉

取爾乃建凌雲之層盤浚虞淵之靈沼清露瀼瀼綠水浩浩樹以嘉木植以芳草悠悠玄魚唯唯白鳥沈浮翶翔樂我皇道若乃虬龍灌注溝洫交流陸設殿館水方輕舟篁棲鷗鷺瀨戲鯁鮋豐侔淮海富賑山丘叢集委積焉可憐籌雖咸池之壯觀夫何足以比讎於是揭以高昌崇觀表以建城峻廬岩巖岑立崔嵬巒居飛閣千雲浮階乘虛遙目九野遠覽長圖俯看三市孰有誰無覩農人之耘耔亮稼穡之艱難惟饗年之豐寡思無逸之所歎感物衆而思深因居高而慮危惟天德之不易懼世俗之難知觀器械之良窳察俗化之誠僞瞻貴賤之所在悟政刑之衷陂亦所以省風助教豈惟盤樂而崇侈靡凡方列署三十有一星居宿陳綺錯鱗比辛壬

癸甲爲之名秩房室齊均堂庭如一出此入彼欲反忘術惟
工匠之多端固萬變之不窮物無難而不知乃與造化乎比
隆讐天地以開基並列宿而作制制無細而不協於規景作
無微而或違於水泉故其增構如積植木如林區連域絕葉
比枝分離背別趣駢田胥附縱橫踰延各有攸注公輸荒其
規矩匠石不知其所斲既窮巧於規摹何彩章之未殫爾乃
文以朱綠飾以碧丹點以銀黃燦以琅玕光明燭爚文彩璘
璫清風萃而成響朝日曜而增鮮雖崑崙之靈宮將何以乎
侈旃規矩既應乎天地舉措又順乎四時是以六合元亨九
有雍熙家懷克讓之風人詠康哉之詩莫不優游以自得故
淡泊而無所思歷列辟而論功無今日之至治彼吳蜀之涇
滅固可翹足而待之然而聖上猶孜孜靡忒求天下之所以
自悟招忠正之士開公直之路想周公之昔戒慕咎繇之典
謨除無用之官省生事之故絕流遁之繁禮反人情之太素
故能翔岐陽之鳴鳳納虞氏之白環蒼龍覲於陂塘龜書出
於河源醴泉涌於池圃靈芝生於丘園總神靈之貺祐集華
夏之至歡方四二皇而六五帝曾何周夏之足言

海賦

木華

昔在帝媯巨唐之世天綱淳漓爲凋爲瘵洪濤瀾汗萬里無
際長波濬澑洶澑八裔於是乎禹也乃鏟臨崖之阜陸決陂
澗而相灌啓龍門之峴嶺墾陵巒而斬鑿羣山旣畧百川潛
渫決漭滻渟騰傾赴勢江河旣導萬穴俱流掎拔五嶽竭涸

九州瀝滴滲淫。蒼蔚雲霧消流。決瀼莫不來注。於廓靈海長。
爲委輸其爲廣也。其爲怪也。宜其爲大也。爾其爲狀也。則乃
浟湢漱灔。浮天無岸。洲瀛沆瀼。渺瀰漫漫。波如連山。乍合乍
散。噓翕百川。洗滌淮漢。襄陵廣舄。渺瀉浩汗。若乃大廟攤繹
於金樞之穴。翔陽逸駭。於扶桑之津。影沙碧石。蕩颺島濱。於
是鼓怒溢浪揚浮。更相觸搏飛沫起。濤狀如天輪膠戾。而激
轉。又似地軸挺拔。而爭迴岑嶺飛騰。而反覆五岳鼓舞。而相
碇。渭瀆淪而瀠漂。鬱勃迷而隆頽。盤溢激而成窟。消澗澆而
爲魁。澗泊柏而迺鷗。磊匱匱而相逐。驚浪雷奔。駭水逆集。開
合解會。瀼瀼濕濕。葩華蹴沮。瀨瀨瀼瀼。若乃霾暎潛銷。莫振
莫竦。輕塵不飛。纖蘿不動。猶尚呀呷餘波。獨湧澎湃。巒碨碨
磊山。聳爾其枝岐。潭淪渤蕩。成汜。乖蠻隔夷。廻互萬里。若乃
偏荒速告。王命急宣。飛駿鼓楫。汎海凌山。於是候勁風。揭百
尺維。長絳挂帆席。望濤遠決。罔然鳥逝鶴。如驚鳬之失侶。倏
如六龍之所掣。一越三千。不終朝而濟。所屆若其負穢。臨深
虛誓愆祈。則有海童邀路。馬銜當蹊。天吳乍見。而魌虯。螭像
暫曉。而閃屍。羣妖遘迕。眇暗冷夷。決帆摧檣。戕風起惡。廓如
靈變。惚恍幽暮。氣似天霄。靉靆雲布。靄昱絕電。白色妖露。呵
噉掩鬱曠。睽無度。飛滂相碶。激勢相沏。崩雲屑雨。泓泓汨汨。
跣踔湛潔。沸瀆渝溢。灌卉瀆渭。蕩雲沃日。於是舟人漁子。徂
南極東。或胥沒於鼈鼈之穴。或挂胥於岑峩之峰。或掣掣洩
洩於裸人之國。或汎汎悠悠於黑齒之邦。或乃萍流而浮轉。

或因歸風以自反。徒識觀怪之多駭，乃不悟所歷之近遠爾。其大量也，則南滄朱崖，北灑天墟。東演析木，西薄青徐。經途灤溟，萬萬有餘。吐雲霓，含龍魚。隱鯢鱗，潛靈居。豈徒積太顛之寶貞，與隨侯之明珠？將世之所收者常聞，所未名者若無。且希世之所聞，惡審其名，故可彷彿其色，覩覩其形爾。其王府之内，極深之庭，則有崇島巨鼈，崕嶺孤亭。肇洪波，指太清。竭磐石，棲百靈。颶凱風而南逝，廣莫至而北征。其垠則有天琛水怪，鮫人之室。瑕石詭蟬，鱗甲異質。若乃雲錦散文於沙汭之際，綾羅被光於螺蚌之節，繁采揚華，萬色隱鮮。陽冰不冶，陰火潛然。燁炭重燔，吹焰九泉。朱燉綠煙，曇眇蟬蜎。魚則橫海之鯨，突抗孤遊。戛巖峩峩，高濤茹鱗。甲吞龍舟，翕波則洪連蹠蹠。吹澇則百川倒流，或乃蹭蹬窮波，陸死鹽田。巨鱗揷雲，鬚鼠刺天。顱骨成巒，流膏爲淵。若乃巖底之隈，沙石之塹。毛翼產穀，剖卵成禽。鳬雛離緹，鶴子淋滲。羣飛侷浴，戲廣浮深。翔鷺連軒，洩洩淫淫。翻動成雷，擾翰爲林。更相呴濡，詭色殊音。若乃三光既清，天地融朗。不汎陽侯，乘蹻絕往。覩安期於蓬萊，見喬山之帝像。羣仙縹渺，餐玉清涯。履阜鄉之畱鳥，被羽翮之穆禳。翔天沼，戲窮溟。有形於無欲，永悠悠以長生。且其爲器也，包乾之奧，括坤之區。惟神是宅，亦祇是廬。何奇不有，何怪不儲。茫茫積流，含形內虛。曠哉坎德，卑以自居。弘往納來，以宗以都。品物類生，何有何無。

江賦

郭璞

容五才之並用。實水德之靈長。惟岷山之導江。初發源乎濫
觴。聿經始於洛沫。攏萬川乎巴梁。衝巫峽以迅激。躋江津而
起漲極泓量。而海運狀滔天。以森茫總括漢泗。兼包淮湘。并
吞沅澧。汲引沮漳。源二分於岷竦。流九派乎潯陽。鼓洪濤於
赤岸。淪餘波乎柴桑。綱絡羣流。商榷涓澗。表神委於江都。混
流宗而東會。注五湖以漫澨灌。三江而湧沛滌汗。六州之域
經營。炎景之外。所以作限於華裔。壯天地之嶮介。呼吸萬里。
五臣作靈
吐納靈潮。自然往復。或夕或朝。激逸勢以前驅。乃鼓怒而作
濤。峨嵋爲泉陽之揭。玉壘作東別之標。衡霍磊落以連鎮巫
廬。嵬窟而比嶠。協靈通氣。瀆薄相陶。流風蒸雷。騰虹揚霄。出
信陽而長邁。淙大壑與沃焦。若乃巴東之峽。夏后疏鑿絕岸。

萬丈壁立。椒駁虎牙。巒豎以屹崕。荆門闕竦而磐礴。圓淵九
迴以懸騰。溢流雷响。而電激駭浪。暴灑驚波。飛薄迅復。增澆
湧湍。疊躍冰巖。鼓作淜淜。衆濁漿。溟灑澣澣。潰濩波濤。湟忽
潰灔。澗澗澗澗。漩濃榮潛。湜湜澗澗。潰澗澗澗。澗澗澗澗。龍鱗結絡。碧沙
瀦灔。而往來巨石碑硯。以前郤潛演之所汨澗。奔澗之所硠
錯。厓隙爲之泐。礧確嶺爲之崿。崿崿幽澗積阻。崿崿崿崿。若乃
曾潭之府。靈湖之淵。澄澹汪洋。廣澗因泫。泓泓洞澗。浩剝圓
漭。混瀚灑渙。涣流映揚。焰溟漭渺。汙汙汙汙。油油察之。無象尋之。
無邊氣渝淳。以霧杳。時鬱律其如煙。類肝渾之未凝。象太極
之構。天長波浹。渫峻湍崔嵬。盤渦谷轉凌濤。山頽陽侯破。磈
以岸起。洪濶宛演。而雲廻。滔淪窟瀼。乍泥乍堆。徹如地裂豁。

若天開觸曲崖以縈繞駭崩浪而相礪鼓呑窟以湧湧乃溢
湧而駕隈魚則江豚海豨叔鮒王鱠鯢鯀鯔鮋鯰鯴鰱鰣或
鹿鰶象鼻或虎狀龍顏鱗甲錯煥爛錦斑揚鬚掉尾噴浪
飛延排流呼哈隨波遊延或曝采以晃淵或嚇鰓平巖間介
鯨乘濤以出入鰻鯢順時而往還爾其水物怪錯則有潛鵠
魚牛虎蛟鈎蛇輪轉蜃蟠鯱鯔龜鼈龐玉珧海月土肉石華三
蠻𧆸江鷓鷺蛇螭璫蛤腹蟹水母目蝦紫蛻如渠洪蚶專車
瓊蚌晞曜以瑩珠石蛙應節而揚葩蠍蟠森袞以垂翹玄蠍
硯磲而碨啞或泛漱於潮波或混淪乎泥沙若乃龍鯉一角
奇鶴九頭有鼈三足有龜六眸赪蟹肺躍而吐璣文鯢磬鳴
以孕璆條蟠拂翼而掣耀神蜋蟠輪以沈遊騎馬騰波以嘘

蹀水兜雷咆乎陽侯淵客築室於巖底鮫人構館於懸流
布餘糧星離沙鏡青綸競糾緺組爭映紫茱焚曬以叢被綠
苔鬱鬱乎陰濱或頰彩輕漣或炳曜厓鄰林無不源岸無不津
金礦丹礫雲精燭銀瑥玲瓏瓈水碧潛碧鳴石列於陽渚浮
磬肆乎陰濱或頰彩輕漣或炳曜厓鄰林無不源岸無不津
其羽族也則有晨鵠天雞鵠鷺鷗馳陽鳥爰翔于以玄月千
類萬聲自相喧聒濯翮疏風鼓翅翻翩揮弄灑珠拊拂瀑沫
集若霞布散如雲豁產穀積羽往來勃碣檣杞填薄於渟渼
協棹森嶺而羅峰桃枝簾管實繁有叢葭蒲雲蔓櫻以蘭紅
揚曉眊擢紫茸蔭潭喫被長江繁蔚芳蘿隱藹水松涯灌芋
菓潛薈葱蘋鮫鯢鮭躋躋於垠隙賓獮眩瞶乎巖空迅蝶臨虛

以騁巧。孤獮登危而雍容。夔犧翹蹠於夕陽。鴛雛弄翮乎山東。因岐成渚。觸澗開渠。漱壑生浦。區別作湖。蹬之以潔灑灘。之以尾間。標之以翠翳。泛之以遊菰。播匪藝之芳種。挺自然之嘉蔬。鱗被菱荷。攢布水蓏。翹莖漢藥。濯頽散裹。隨風猗萎與波潭池流光潛映。景炎霞火其旁。則有雲夢雷池。彭蠡青草。具區洮滆。珠滻丹漢。極望數百。汎漾晶滙。爰有包山洞庭。巴陵地道。潛達旁通。幽岫窈窕。金精玉英。瑱其裏。瑤珠怪石。絳其表。驪蚌璆其址。梢雲冠其嶺。海童之所巡遊。琴高之所靈矯。冰夷倚浪以傲睨。江妃含嚬而懸眇。撫凌波而鳬躍。吸翠霞而天矯。若乃宇宙澄寂。八風不翔。舟乎於是。撐棹涉人。於是。搖榜漂飛。雲連船艎。艸艤相屬。萬里連檣。泝洞汎流。或漁或商。赴交益。投幽浪。竭南檣。窮東菴。爾乃韜霧。寢於清旭。覘五兩之動靜。長風瞬以增扇。廣莫飈而氣整徐。而不廢疾。而不猛鼓。帆迅越。趙濱截洞。凌波縱柂。電往杳溟。靄如晨霞。孤征眇若雲翼。絕嶺倏忽數百。千里俄頃。飛廉無以睎。其蹤渠黃不能企其景。於是蘆人漁子。擯落江山。衣則羽褐。食則蔬鱸。旛激爲涔夾。漱羅筌。筒灑連鋒。胥雷比船。或揮輪於懸崎。或中瀨而橫旋。忽忘夕而宵歸。詠採菱以叩舷。傲自足於一軀。尋風波以窮年。爾乃域之以盤巖。豁之以洞壑。疏之以池汜。鼓之以朝夕。川流之所歸。湊雲霧之所蒸。波珍怪之所化。產瑰奇之所窟。宅納隱淪之列。眞挺異人乎精魄。播靈潤於千里。越岱宗之觸石。及其謫變儻悅符祥非。動應無方。

感事而出經紀天地錯綜人術妙不可盡之於言事不可窮之於筆若乃岷精垂曜於東井陽侯遯形乎大波奇相得道而宅神乃協靈爽於湘娥駭黃龍之負舟識伯禹之仰嗟壯荆飛之擒蛟終成氣乎太阿悍要離之圖慶在中流而推戈悲靈均之任石歎漁父之櫂歌想周穆之濟師驅八駿於龍鼴感交甫之喪珮慾神使之嬰羅煥大塊之流形混萬盡於一科保不虧而永固稟元氣於靈和考川瀆之妙觀實莫著於江河

風賦

宋玉

楚襄王遊於蘭臺之宮宋玉景差侍有風颯然而至王乃披襟而當之曰快哉此風寡人所與庶人共者邪宋玉對曰此獨大王之風耳庶人安得而共之王曰夫風者天地之氣溥暢而至不擇貴賤高下而加焉今子獨以爲寡人之風豈有說乎宋玉對曰臣聞於師枳句來巢空穴來風其所託者然則風氣殊焉王曰夫風始安生哉宋玉對曰夫風生於地起於青蘋之末侵淫谿谷盛怒於土囊之口緣太山之阿舞於松柏之下飄忽淜滂激颶熛怒耽雷聲迴穴錯迕蹙石伐木梢殺林莽至其將衰也被麗披離衝孔動捷朐渙燦爛離散轉移故其清涼雄風則飄舉升降乘凌高城入于深宮邸輦葉而振氣徘徊於桂椒之間翹翔於激水之上將擊芙蓉之精獵蕙草離秦衡槩新夷被梯楊廻穴復陵蕭條衆芳然後倘佯中庭北上玉堂躋于羅帷經于洞房迺得爲大王之

風也。故其風中人，狀直，憎悽憀，慄。清涼增歛，清冷愈病。析醒，發明耳目，寧體，便人。此所謂大王之雄風也。王曰：善哉！論事夫庶人之風，豈可聞乎？宋玉對曰：夫庶人之風，媿然起於窮巷之間。堦蹀揚塵，勃鬱煩寃。衝孔襲門，動沙堞吹死灰。駁溷濁，揚腐餘邪。薄入甕牖，至於室廬。故其風中人，狀直，憎濁鬱邑。歐溫致溼，中心慘怛。生病造熱，中脣爲脢，得目爲瞑。啞齶嗽獲，死生不卒。此所謂庶人之雌風也。

秋興賦

并序

潘岳

晉十有四年，余春秋三十有二，始見一毛以太尉掾兼虎賁中郎將，寓直于散騎之省。高閣連雲，陽景穿宇。曜珥蟬冕，而襲紈綺之士。此焉遊處，僕野人也。偃息不過茅屋，茂林之下。談話不過農夫田父之客，攝官承乏猥廁，朝列夙興晏寢，匪遑底寧。譬猶池魚籠鳥，有江湖山藪之思。於是染翰操紙，慨然而賦于時秋也。故以秋興命篇，其辭曰：

四運忽其代序，分萬物紛以廻薄。覽花蒔之時育，今察盛衰之所託。感冬索而春敷，嗟夏茂而秋落。雖末士之榮悴，分伊人情之美惡。善乎宋玉之言曰：悲哉，秋之爲氣也！蕭瑟兮草木搖落，而變衰慘慄。若在遠行，登山臨水送將歸。夫送歸懷遠而悼近，彼遠行有羈旅之憤。臨川感流以歎逝，兮登山懷遠而哀。諒無愁而不盡，野有歸燕隰有翔隼。游氛朝興，槁葉夕隕。於是乃屏輕箋，釋纖繩。藉莞蒻，御袷衣。庭樹滅以灑落，

兮。勁風戾而吹帷。蟬嘒嘒以寒吟。兮。鴈飄飄而南飛。天晃朗以彌高。兮。日悠陽而浸微。何微陽之短晷。覺涼夜之方永。月腫朧以含光。兮。露淒清以凝冷。熠燿粲於階闈。兮。蟋蟀鳴乎軒屏。聽離鴻之晨吟。望流火之餘景。宵耿介而不寐。兮。獨展轉於華省。悟時歲之適盡。兮。慨俛首而自省。斑鬢彪以承弁。兮。素髮颯以垂領。仰羣儒之逸軌。兮。攀雲漢以遊騁。登春臺之熙熙。兮。珥金貂之烟炯。苟趣舍之殊途。兮。庸詎識其躁靜。聞至人之休風。兮。齊天地於一指。彼知安而忘危。兮。固出生而入死。行投趾於容跡。兮。殆不踐而獲底闕。側足以及泉。兮。雖猿猱而不履。龜祀骨於宗祧。兮。思反身於綠水。且歛衽以歸來。兮。忽投紱以高厲。耕東臯之沃壤。兮。輸黍稷之餘稅。泉涌湍於石間。兮。菊揚芳乎崖澗。秋水之涓涓。兮。玩游儻之澈澈。逍遙乎山川之阿。放曠乎人間之世。優哉游哉。聊以卒歲。

雪賦

謝惠連

歲將暮。時旣昏。寒風積。愁雲繁。梁王不悅。遊於兎園。乃置旨酒。命賓友。召鄒生。延枚叟。相如末至。居客之右。俄而微霰零。密雪下。王乃歌北風。於衛詩。詠南山。於周雅。授簡於司馬大夫。曰。抽子秘思。騁子妍辭。佯色揣稱。爲寡人賦之。相如於是避席而起。逡巡而揖。曰。臣聞雪宮。建於東國。雪山峙於西域。岐昌發詠。於來思。姬滿申歌。於黃竹。曹風以麻衣比色。楚謡以幽蘭儂曲。盈尺則呈瑞。於豐年。表丈則表沴。於陰德。雪之。

時義遠矣哉。請言其始。若乃玄律窮嚴氣升。焦溪涸湯谷凝。火井滅溫泉水沸。潭無湧炎風不興。北戶墐扉。裸壤垂繒。於是河海生雲。朔漠飛沙。連氣累靄掩日。韜霞霰澌瀝而先集。雪紛糅而遂多。其爲狀也。散漫交錯。氛氲蕭索。藹藹浮浮。灑奕奕聯翩飛灑。徘徊委積。始緣甍而冒棟。終開簾而入隙。初媯娟於墀廡。未榮盈於帷席。旣因方而爲珪。亦遇圓而成璧。眄隰則萬頃同縞。瞻山則千巖俱白。於是臺加重璧。達似連璐。庭列瑤階。林挺瓊樹。皓鶴奪鮮。白鷗失素。紈袖懸玉。頽掩嫭。若乃積素未虧。白日朝鮮。爛兮若燭龍。銜燿照昆山。爾其流滴垂冰。綠雷承隅。粲兮若馮夷剖蚌。列明珠至夫纘紛繁鶩之貌。皓汗皦潔之儀。廻散縈積之勢。飛聚凝曜之奇。固展轉而無窮。嗟難得而備知。若乃申娛玩之無已。夜幽靜而多懷。風觸楹而轉響。月承幌而通暉。酌湘吳之醇酌。御孤貉之兼衣。對庭鵠之雙舞。瞻雲鴈之孤飛。折園中之萱草。摘階上之芳薇。踐霜雪之交積。憐枝葉之相違。馳遙思於千里。願接手而同歸。鄒陽聞之慙然心服。有懷妍唱敬接末曲。於是乃作而賦。積雪之歌。歌曰。攜佳人兮披重幄。援綺衾兮坐芳褥。燎薰爐兮炳明燭。酌桂酒兮揚清曲。又續而爲白雪之歌。歌曰。曲既揚兮酒旣陳。朱顏酡兮思自親。願低帷以昵枕。念解珮而褫紳。怨年歲之易暮。傷後會之無因。君寧見階上之白雪。豈鮮耀於陽春。歌卒王乃尋繹吟翫。撫覽扼腕。顧謂枚叔起而爲亂亂曰。白羽雖白質以輕。兮白玉雖白空守貞。

兮未若茲雪。因時興滅。玄陰凝不昧。其潔太陽曜不固。其節
節。豈我名潔。豈我貞。憑雲升降。從風飄零。值物賦像。任地班。
形素因遇。立污隨染。成縱心皓然。何慮何營。

月賦

謝莊

陳王初喪。應劉端憂。多暇綠苔生閣。芳塵凝榭。悄焉疚懷。不
怡中夜。乃清蘭路肅桂苑。騰吹寒山弭蓋。秋坂臨瀟壑。而怨
遙登崇岫。而傷遠。于時斜漢左界。北陸南躔。白露曠空。素月
流天。沈吟齊章。殷勤陳篇。抽毫進牘。以命仲宣。仲宣跪而稱
曰。臣東鄙幽介。長自丘樊。昧道懵學。孤奉明恩。臣聞沈潛既
義高明。既經日以陽德。月以陰靈。擅扶光於東沼。嗣若英於
西冥。引玄兔於帝臺。集素娥於后庭。胸眺警闕。朏魄示沖順。

辰通燭。從星澤。風增華台室。揚彩軒宮。委照而吳業昌。淪精
而漢道融。若夫氣霽地表。雲歛天末。洞庭始波。木葉微脫。菊
散芳於山椒。鴈流哀於江瀨。升清質之悠悠。降澄暉之藹藹。
列宿掩縵。長河韜映。柔祇雪凝。圓靈水鏡。連觀霜縞。周除冰
淨。君王乃厭晨歡。樂宵宴。收妙舞。弛清縣。去燭房。卽月殿。芳
酒登。鳴華薦。若乃涼夜自淒。風篁成韻。親懿莫從。羈孤遞進。
聆臯禽之夕聞。聽朔管之秋引。於是絃桐練響。音容選和。徘徊
徊房露。惆悵陽阿。聲林虛籟。淪池滅波。情紓軫其何託。想皓
月而長歌。歌曰。美人邁。兮音塵闕隔。千里兮共明月。臨風歎
兮將焉歇。川路長兮不可越。歌響未終。餘景就畢。滿堂變容。
廻遑如失。又稱歌曰。月既沒。兮露欲晞。歲方晏。兮無與歸。佳

期可以還。微霜露，人衣陳。王曰：善。乃命執事獻壽羞璧，敬佩玉音復之無斁。

鵬鳥賦并序

賈誼

誼爲長沙王傅三年，有鵬鳥飛入誼舍，止於坐隅。鵬似鳴不祥鳥也。誼旣以謫居長沙，長沙卑濕，誼自傷悼以爲壽不得長，乃爲賦以自廣。其辭曰：

單閼之歲兮，四月孟夏。庚子日斜，鵬集余舍。止於坐隅，容貌甚閑暇。異物來萃兮，私怪其故。發書占之兮，識言其度。曰野鳥入室，主人將去。請問于鵬，余去何之？吉乎告我，凶言其災。淹速之度兮，語余其期。鵬迺歎息，舉首奮翼，口不能言。請對以臆，曰：萬物變化兮，固無休息。幹流而遷兮，或推而還。形氣轉續兮，變化而蟻。沕穆無窮兮，胡可勝言。禍兮福所倚，福兮禍所伏。憂喜聚門兮，吉凶同域。彼吳彊大兮，夫差以敗越。樓會稽兮，勾踐霸世。斯遊遂成兮，卒被五刑。傅說胥靡兮，乃相武丁。夫禍之與福兮，何異糾纏。命不可說兮，孰知其極。水激則悍兮，矢激則遠。萬物回薄兮，振盪相轉。雲蒸雨降兮，糾錯相紛。大鈞播物兮，塊北無垠。天不可預慮兮，道不可預謀。遲速有命兮，焉識其時。且夫天地爲鑪兮，造化爲工。陰陽爲炭兮，萬物爲銅。合散消息兮，安有常則。千變萬化兮，未始有極。忽然爲人兮，何足控搏。化爲異物兮，又何足患。小智自私兮，賤彼貴我。達人大觀兮，物無不可貪。夫徇財兮，烈士徇名。奪者死權兮，品庶每生。休迫之徒兮，或趨西東。大人不曲兮，文選卷之三

文選正文 卷之三
意變齊同。愚士繫俗兮。窘若囚拘。至人遺物兮。獨與道俱。衆人惑惑兮。好惡積億。真人恬漠兮。獨與道息。釋智遺形兮。超然自喪。廖廓忽荒兮。與道翶翔。乘流則逝兮。得坻則止。縱軀委命兮。不私與已。其生兮若浮。其死兮若休。澹乎若深淵之靜。泛乎若不繫之舟。不以生故。自寶兮。養空而浮。德人無累兮。知命不憂。細故蒂芥兮。何足以疑。

鸚鵡賦 幷序

禰衡

時黃祖太子射賓客大會有獻鸚鵡者舉酒於衡前曰禰處士今日無用娛賓竊以此鳥自遠而至明慧聰善羽族之可貴願先生爲之賦使四坐咸共榮觀不亦可乎衡因爲賦筆不停綴文不加點其辭曰

惟西域之靈鳥挺自然之奇姿體金精之妙質含火德之明輝性辯慧而能言兮才聰明以識機故其嬉遊高峻栖跱幽深飛不妄集翔必擇林紺趾丹蕤綠衣翠衿采采麗容咬咬好音雖同族於羽毛固殊智而異心配鸞皇而等美焉比德於衆禽於是羨芳聲之遠暢偉靈表之可嘉命虞人於隴坻詔伯益於流沙跨崑崙而播弋冠雲霓而張羅雖綱維之備設終一日之所加且其容止閑暇守植安停逼之不懼撫之不驚寧順從以遠害不違忤以喪生故獻全者受賞而傷肌者被刑爾乃歸窮委命離羣喪侶閉以彫籠翦其翅羽流飄萬里崎嶇重阻踰岷越障載罹寒暑女辭家而適入臣出身而事主彼賢哲之逢患猶棲遲以羈旅矧禽鳥之微物能馴

擾以安處。眷西路而長懷。望故鄉而延佇。忖陋體之腥臊亦何勞於鼎俎。嗟祿命之衰薄。奚遭時之險巇。豈言語以階亂將不密。以致危痛。母子之永隔。哀伉儷之生離。匪餘年之足。惜慾衆離之無知。背蠻夷之下國。侍君子之光儀。懼名實之不副。恥才能之無奇。羨西都之沃壤。識苦樂之異。空懷代越之悠思。故每言而稱斯。若乃少昊司晨。蓐收整轡。嚴霜初降。涼風蕭瑟。長吟遠慕。哀鳴感類。音聲悽以激揚。容貌慘以顚。賴聞之者悲傷。見之者隕淚。放臣爲之屢歎。棄妻爲之歔欷。感平生之遊處。今若壎箠之相須。何今日之兩絕。若胡越之異區。順櫂檻以俯仰。闕戶牖以踟躕。想崑山之高嶽。思鄧林之扶疏。顧六翮之殘毀。雖奮迅其焉如。心懷歸而弗果。徒怨庶彌久而不渝。

鷓鴣賦 并序

張華

鷄鴣小鳥也。生於蒿萊之間。長於藩籬之下。翔集尋常之内。而生生之理足矣。色淺體陋。不爲人用。形微處卑。物莫之害。繁滋族類。乘居匹游。翩翩然有以自得。彼鷺鷥鵠鴻孔雀翡翠。或陵赤霄之際。或託絕垠之外。翰舉足以沖天。觜距足以自衛。然皆負矰罿。羽毛入貢。何者。有用於人也。夫言有淺而可以託深。類有微而可以喻大。故賦之云爾。

何造化之多端。今播羣形於萬類。惟鷄鴣之微禽。兮亦攝生。

而受氣育。翩翾之陋體兮。無玄黃以自貴。毛弗施於器用。公
肉不登乎俎。味鷹鶴過猶俄翼兮。尚何懼於置屬。翳薈蒙龍。
是焉遊集。飛不飄颻。翔不翕習。其居易容。其求易給。巢林不
過一枝。每食不過數粒。栖無所滯。遊無所盤。匪陋荆棘。匪榮
芷蘭。動翼而逸。投足而安。委命順理。與物無患。伊茲禽之無
知兮。何處身之似智。不懷寶以貿害兮。不飾表以招累。靜守
約而不矜。動因循以簡易任。自然以爲資。無誘慕於世僞。雕
鵠介其觜距。鵠鷺軼於雲際。鵠雞竄於幽險。孔翠生乎遐裔。
彼晨鳬與歸鴈。又矯翼而增逝。咸美羽而豐肌。故無罪而皆
斃。徒銜蘆以避繳。終爲戮於此世。蒼鷹鷺而受縲。鸚鵡惠而
入籠。屈猛志以服養塊。幽繫於九重。變音聲以順旨。思擢翮
而爲庸。戀鍾岱之林野。慕隴坻之高松。雖蒙幸於今日。未若
疇昔之從容。海鳥鷁鷗避風而至。條枝巨雀踰嶺自致。提挈
萬里。飄颻逼畏。夫唯體大妨物。而形壞足瑋也。陰陽陶蒸萬
品。一區巨細舛錯。種繁類殊。鷕螟巢於蚊睫。大鵬彌乎天隅。
將以上方不足。而下比有餘。普天壤以遐觀。吾又安知其小
大之所如。

赭白馬賦

并序

顏延之

驥不稱力。馬以龍名。豈不以國上威容。軍馳趨迅而已。實有
騰光吐圖。疇德瑞聖之符焉。是以語崇其靈。世榮其至。我高
祖之造宋也。五方率職。四隩入貢。秘寶盈於玉府。文駟列乎
華廄。乃有乘輿赭白。特稟逸異之姿。妙簡帝心。用錫聖阜。服

御順志馳驟合度。齒歷雖衰而藝美不忒。襲養兼年恩隱周渥歲老氣殫斃于內棧。少盡其力有惻上仁乃詔陪侍奉述中旨末臣庸蔽敢同獻賦其辭曰

維宋二十有二載盛烈光平重葉武義粵其肅陳文教迄已優洽泰階之平可升興王之軌可接訪國美於舊史考方載於往牒昔帝軒陟位飛黃服皂后唐膺籲赤文候日漢道亨而天驥呈才魏德懋而澤馬效質伊逸倫之妙足自前代而間出並榮光於瑞典登郊歌乎司律所以崇衛威神扶護警蹕是用精曜叶從靈物咸秩暨明命之初基罄九區而率順有肆險以稟朔或踰遠而納賚聞王會之阜昌知函夏之克初總六服以收賢掩七戎而得駿蓋乘風之淑類實先景之

洪胤故能代駿象輿歷配鈞陳齒笄延長聲價隆振信聖祖之蕃錫畱皇情而驟進徒觀其附筋樹骨垂梢植髮雙瞳夾鏡兩權協月異體峰生殊相逸發超攄絕夫塵轍驅驚迅於滅沒簡偉塞門獻狀絳闕且刷幽燕畫秣荆越恭敬不易之典訓人必書之舉惟帝惟祖爰遊爰豫飛輶軒以戒道環轂騎而清路勒五營使案部聲八鑾以節步具服金組兼飾丹璫寶錢星纏鏤草霞布進迫遮迴却屬輦輶欵聳擢以鴻鷺時濩畧而龍翥弭雄姿以奉引婉柔心而待御至於露滋月肅霜戾秋登王于興言闡肄威稜臨廣望坐百層料武藝品驍騰流藻周施和鈸重設睨影高鳴將超中折分馳迤邐角壯永埒別輩越羣絢練夐絕捷趨夫之敏手促華鼓之繁節

經玄蹄而電散。歷素支而冰裂。膺門沫赭。汗溝走血。蹠迹廻唐。畜怒未洩。乾心降而微怡。都人仰而朋悅。妍變之態既畢。凌遽之氣方屬。蹠鑣轡之牽制。隘通都之圈束。眷西極而驤首。望朔雲而蹀足。將使紫鸞駢衡。綠螭衛轂。纖驪接趾。秀騏齊。子覲王母於崑崙。要帝臺於宣獄。跨中州之轍迹。窮神行之軌躅。然而盤于遊畋。作鏡前主。肆於人上。取悔義方。天子乃輶駕廻慮。息徒解裝。鑒武穆憲。文光振民隱。修國章。戒出豕之敗御。惕飛鳥之時衡。故祗慎乎所常。忽敬備乎所未防。興有重輪之安。馬無泛駕之佚。處以濯龍之奧。委以紅粟之秩。服養知仁。從老得卒。加弊帷。收仆質。天情周。皇恩畢。亂曰惟德動天。神物儀分。於時駟駿充階街。分稟靈月。駟祖雲螭。

兮雄志倜儻。精權奇。兮旣剛且淑。服饑羈。兮効足中黃狗。驅馳兮願終惠養。蔭本枝。兮竟先朝露長。委離兮。

舞鶴賦

鮑昭

散幽經以驗物。偉胎化之仙禽。鍾浮曠之藻質。抱清迥之明心。指蓬壺而翻翰。望崑崙而揚音。帀日城以廻鷺。窮天步而高尋踐神區。其旣遠積靈祀。而方多精含丹。而星曜頂凝紫羽。而煙華引貞吭。之纖婉頓脩趾。之洪姱疊霜毛。而弄影振玉而見羈。去帝鄉之岑寂。歸人寰之喧卑。歲崢嶸而愁暮。心惆悵而哀離。於是窮陰殺節。急景凋年。涼沙振野。箕風動天。嚴嚴苦霧。皎皎悲泉。冰塞長河。雪滿羣山。旣而氛昏夜歇。景物

澄廓星翻漢廻。曉月將落。感寒雞之早晨。憐霜雁之違漠。臨驚風之蕭條。對流光之照灼。唳清響於丹墀。舞飛容於金闕。始連軒以鳳蹠。終宛轉而龍蹠。躑躅徘徊。振迅騰摧。驚身蓬集。矯翔雲飛。離綱別赴。合緒相依。將興中止。若往而歸。颯沓矜顧。遷延遲暮。逸翮後塵。翬翥先路。指會規翔。臨岐矩步。態有遺妍。貌無停趣。奔機逗節。角睞分形。長揚緩鶩。並翼連聲。輕迹凌亂。浮影交橫。衆變繁姿。參差游密。煙交霧凝。若無毛質。風去雨還。不可談悉。旣散冤而盪目。迷不知其所之。忽星離而雲罷。整神容而自持。仰天居之崇絕。更惆悵以驚思。當是時也。燕姬色沮。巴童心耻。巾拂兩停。丸劍雙止。雖邯鄲其敢倫。豈陽阿之能擬。入衛國而乘軒。出吳都而傾市。守馴養於千齡。結長悲於萬里。

幽通賦

班固

系高頃之玄胄。分氏中葉之炳靈。飄凱風而蟬蛻。分雄朔野。以鶡聲皇十紀。而鴻漸兮有羽儀於上京。亘滔天而泯夏兮考邁愍。以行謠終保已。而貽則兮里上仁之所廬。懿前烈之純淑兮窮與達其必濟。咨孤蒙之眇眇兮將圯絕而罔階。豈余身之足殉兮違古業之可懷。靖潛處以永思兮經日月而彌遠。匪黨人之敢拾兮庶斯言之不玷。冤慄慄與神交兮精誠發於宵寐。夢登山而迥眺兮覲幽人之髣髴。攬葛藟而授余兮眷峻谷。日勿墜物。昞寤而仰思兮心矇矇猶未察。黃神邈而靡質兮儀遺識以臆對。日乘高而遐神兮道遐通而不

迷葛縣縣於穆木兮，詠南風以爲綏。蓋惴惴之臨深兮，乃二雅之所祗。旣訊爾以吉象兮，又申之以燭戒。盍孟晉以迨羣兮，辰儻忽其不再。承靈訓其虛徐兮，佇盤桓而且俟。惟天地之無窮兮，鮮生民之晦。在紛屯遭與蹇連兮，何艱多而知寡。上聖迂而後拔兮，豈羣黎之所御。昔衛叔之御昆兮，昆爲寇而喪。予管彎弧欲斃讐兮，讐作后而成已。變化故而相詭兮，孰云預其終始。雍造怨而先賞兮，丁繇惠而被戮。栗取弔于適吉兮，王膺慶於所蹙。叛廻穴其若茲兮，北叟頗識其倚伏。單治裏而外凋兮，張修裸而內逼。聿中龢爲庶幾兮，顏與冉又不得溺招路以從已兮。謂孔氏猶未可安，惄惄不葩兮。卒隕身乎世禍遊聖門而靡救兮，雖覆醢其何補。固行行其必

凶兮，免盜亂爲賴。道形氣發於根柢兮，柯葉彙而零茂。恐魍魎之責景兮，羌未得其云已。黎淳耀於高辛兮，芊彊大於南汜。贏取威於百儀兮，姜本支乎三趾。旣仁得其信然兮，仰天路而同軌。東鄰虐而殲仁兮，王合位乎三五。戎女烈而喪孝兮，伯徂歸於龍虎。發還師以成命兮，重醉行而自耦。震鱗漦於夏庭兮，匝三正而滅姬。異羽化乎宜宮兮，彌五辟而成災。道脩長而世短兮，愛冥默而不周。胥仍物而鬼諷兮，乃窮宇宙達幽媯巢姜於孺筮兮，且笄祀於契龜。宣曹興敗於下夢兮，魯衛名謚於銘謡。妣聆呱而効石兮，許相理而鞠條。道混成而自然兮，術同原而分流。神先心以定命兮，命隨行以消息。幹流遷其不濟兮，故遭罹而羸縮。三樂同於一體兮，雖移

易而不忒。洞參差其紛錯。兮斯衆兆之所惑。周賈盪而貢憤。
兮齊死生與禍福抗爽。言以矯情。兮信畏犧而忌鵠。所貴聖人至論。兮順天性而斷誼。物有欲而不居。兮亦有惡而不避。守孔約而不貳。兮乃輯德而無累。三仁殊於一致。兮夷惠舛而齊聲。木偃息以蕃魏。兮申重蘭以存荆。紀焚躬以衛上。兮皓頤志而弗傾。侯草木之區別。兮苟能實其必榮。要歿世而不朽。兮乃先民之所程。觀天網之紜。覆兮實棐謹而相訓。謨先聖之大猷。兮亦鄰德而助信。虞韶美而儀鳳。兮忘味於千載。素文信而底麟。兮漢賓祚于異代。精通靈而感物。兮神動氣而入微。養流睇而猿號。兮李虎發而石開。非精誠其焉通。兮苟無實其孰信。操末技猶必然。兮矧耽躬於道真。登孔渝色。兮尚越其幾淪神域。兮

思玄賦

張衡

仰先哲之玄訓。兮雖彌高而弗違。匪仁里其焉宅。兮匪義跡其焉追。潛服膺以永靖。兮縣日月而不衰。伊中情之信脩。兮慕古人之貞節。竦余身而順止。兮遵繩墨而不跌。志博博以應懸。兮誠心固其如結。旌性行以製珮。兮佩夜光與瓊枝。繕幽蘭之秋華。兮又綴之以江蘿。美襞積以酷烈。兮允塵邈而

難虧既姱麗而鮮雙兮非是時之攸珍奮余榮而莫見兮播
余香而莫聞幽獨守此側陋兮敢怠遑而舍勤幸二八之選
虞兮嘉傅說之生殷尚前良之遺風兮峒後辰而無及何孤
行之煢煢兮子不羣而介立感鸞鷺之特棲兮悲淑人之希
合彼無合其何傷兮患衆僞之冒真且獲讐于羣弟兮啓金
縢而後信覽蒸民之多僻兮畏立辟以危身曾煩毒以迷惑
今嗟孰可以爲言已私湛憂而深懷兮思纊紛而不理願竭
力以守義兮雖貧窮而不改執雕虎而試象兮阽焦原而跟
止庶斯奉趾以周旋兮要既死而後已俗遷渝而事化兮泯
規矩之圓方寶蕭艾於重笥兮謂蕙芷之不香斥西施而弗
御兮繁縝裏以服箱行頗僻而獲志兮循法度而離殃惟天
地之無窮兮何遭遇之無常不抑操而苟容兮譬臨河而無
航欲巧笑以干媚兮非余心之所嘗襲溫恭之黻衣兮被禮
義之繡裳辯貞亮以爲鞶兮雜伎藝以爲珩昭綵藻以珊瑚
兮璜聲遠而彌長淹樓遲以恣欲兮曜靈忽其西藏恃已知
而華予兮鶡鳴而不芳冀一年之三秀兮邇白露之爲霜
時亹亹而代序兮疇可與乎比伉姿妬嬪之難並兮想依韓
卽岐趾而臚情文君爲我端蓍兮利肥遜以保名歷衆山以
周流兮翼迅風以揚聲兮安感於崇嶽兮或冰折而不營天
蓋高而爲澤兮誰云路之不平勔自彊而不息兮蹈玉階之
嶢崿懼筮氏之長短兮鑽東龜以觀禎遇九臯之介鳥兮怨

素意之不呈遊。塵外而贅天。兮據冥翳而哀鳴。鵬鶚競於會
葬兮我修潔以益榮子。有故於玄鳥兮歸母氏而後寧。占旣
吉而無悔兮簡元辰而倣裝。且余沐於清源兮晞余髮於朝
陽漱飛泉之瀝液兮咀石菌之流英。翾鳥舉而魚躍兮將往
走乎八荒過少皞之窮野兮問二丘于句芒。何道真之淳粹
今去穢累而彰輕登蓬萊而容與兮鼈雖抃而不傾。畱瀛洲
而採芝兮聊且以乎長生。憑歸雲而遐逝兮夕余宿乎扶桑
飲青岑之玉醴兮餐沆瀣以爲糧。發昔夢於木禾兮穀崑崙
之高岡。朝吾行於賜谷兮從伯禹乎稽山。嘉羣神之執玉兮
疾防風之食言。指長沙以邪徑兮存重華乎南鄰。哀一妃之
未從兮翩躚處彼湘濱。流目眺夫衡阿兮覩有黎之圮墳。痛
火正之無懷兮託山坡以孤窶。愁鬱鬱以慕遠兮越印州而
遊遨躋日中于昆吾兮憇炎火之所陶。揚芒熛而絳天兮水
滌汎而涌濤溫風翕其增熱兮怒鬱悒其難聊顧羈旅而無
友兮余安能乎畱茲顧金天而歎息兮吾欲往乎西嬉前祝
融而使舉麾兮繩朱鳥以承旗。蹠建木於廣都兮撫若華而
躋躇超軒轅於西海兮跨汪氏之龍魚。聞此國之千歲兮曾
焉足以娛余思九土之殊風兮從蓐收而遂徂歟神化而蟬
蛻兮朋精粹而爲徒蹶白門而東馳兮云台行乎中野亂弱
水之潺湲兮逗華陰之湍渚。號馮夷俾清津兮擢龍舟以濟
予會帝軒之未歸兮悵倘佯而延佇。怡河林之蓁蓁兮偉闢
睢之戒女黃靈詹而訪命兮穆天道其焉如。日近信而遠疑

兮六籍闕而不書神達昧其難覆兮疇克謨而從諸牛哀病而成虎兮雖逢昆其必噬鼈令殮而尸亡兮取蜀禪而引世死生錯其不齊兮雖司命其不瞞竇號行於代路兮後膺祚而繁廡王肆侈於漢庭兮卒銜恤而絕緒尉尨眉而郎潛兮逮三葉而遭武董弱冠而司袞兮設王隧而弗處夫吉凶之相仍兮恒反側而靡所穆届天以悅牛兮豎亂叔而幽主文斷祛而忌伯兮閹謁賊而寧后通人闇於奸惡兮豈昏惑而能剖羸擿識而戒胡兮備諸外而發內或輦賄而違車兮孕行產而爲對慎竈顯以言天兮占水火而妄誣梁叟患夫黎丘兮丁厥子而刺刃親所賾而弗識兮矧幽冥之可信無縣轡以倖已兮思百憂以自疹彼天監之孔明兮用悲忱而祐

仁湯蠲體以禱祈兮蒙厖祓以拯民景三慮以營國兮熒惑次於他辰魏顆亮以從治兮鬼亢回以斃秦咎繇遇而種德兮樹德懋于英兮柔末寄夫根生兮卉旣凋而已育有無言而不酬兮又何往而不復盍遠迹以飛聲兮孰謂時之可蓄兮仰矯首以遙望兮覩惲惲而無儔逼區中之隘陋兮將北度而宣游行積冰之皓皓兮清泉沴而不流寒風淒其永至兮拂穹岫之騷騷玄武縮于巖中兮騰蛇蜿而自糾魚矜鱗而并凌兮鳥登木而失條坐太陰之屏室兮慨含欷而增愁怨高陽之相寓兮偽顓頊而宅幽庸織路於四裔兮斯與彼其何瘳望寒門之絕垠兮縱余綜乎不周迅猋瀉其媵我兮驚翩飄而不禁越榦嘲之洞穴兮漂通川之琳琳經重陰乎寂

寘兮。慇墳羊之深潛。追荒忽於地底。軼無形而上浮。出石
密之間野。兮不識蹊之所由。速燭龍令執炬兮。過鍾山而中
休瞰。瑤谿之赤岸兮。弔祖江之見劉。聘王母於銀臺兮。羞玉
芝以療飢。戴勝愁其既歡兮。又誚余之行遲。載太華之玉女
兮。召洛浦之慮妃。咸姣麗以蠱媚兮。增嬌眼而娥眉舒。眇婧
之纖腰兮。揚雜錯之桂徽。離朱脣而微笑兮。顏的懸以遺光。
獻環琨與琛綺兮。申歎好以玄黃。雖色豔而賂美兮。志浩蕩
而不嘉。雙材悲於不納兮。並詠詩而清歌。歌曰。天地絪縕百
卉含葩。鳴鶴交頸。雎鳩相和。處子懷春。精蒐回移。如何淑明。
忘我實多。將答賦而不暇兮。爰整駕而亟行。瞻崑崙之巍巍。
兮臨紫河之洋洋。伏靈龜以負坻兮。亘螭龍之飛梁。登閬風
之層城兮。構不死而爲牀。屑瑞蘂以爲粧。分薺白水以爲漿。
抨巫咸以占夢兮。乃貞吉之元符。滋令德於正中兮。含嘉秀
以爲敷。旣垂頽而顧本兮。亦要思乎故居。安和靜而隨時兮。
姑純懿之所廬。戒庶僚以夙會兮。僉供職而並迓。豐隆軒其
震霆兮。列缺驛其照夜。雲師黽以交集兮。凍雨沛其灑途。羲
和輿而樹葩兮。擾應龍以服輅。百神森其備。從兮屯騎羅而
星布。振余袂而就車兮。修劒揭以低昂。冠嵒嵒其映蓋兮。佩
紊繩以輝煌。僕夫儼其正策兮。八乘騰而超驤。氣旄溶以天
旋兮。蜺旌飄以飛颺。撫軫軛而還睨兮。心勺灑其若湯。羨上
都之赫戲兮。何迷故而不忘。左青瑣以鍵芝兮。右素威以司
鉦。前長離使拂羽兮。後委水衡乎玄冥。屬箕伯以凶風兮。澄

淟涊而爲清曳雲旗之離離兮鳴玉鸞之譽譽涉清霄而升遐兮浮蟻蠟而上征紛翼翼以徐戾兮焱回回其揚靈叫帝闔使闢扉兮覲天皇於瓊宮聆廣樂之九奏兮展洩洩以彤彤考治亂於律均兮意建始而思終惟般逸之無斁兮懼樂往而哀來素女撫絃而餘音兮太容吟曰念哉旣防溢而靖志兮迨我暇以翬翔出紫宮之肅肅兮集太微之閨閨命王良掌策駟兮踰高閣之將將建罔車之幕幕兮獵青林之芒芒彎威弧之拔刺兮射嶓冢之封狼觀壁壘於北落兮伐河鼓之磅礴乘天潢之汎汎兮浮雲漢之湯湯倚招搖攝提以低回剗流兮察紀五緯之綱繆邇皇偃蹇天矯婉連卷兮雜沓叢籞颶以方驥鹹汨鷗淚沛以罔象兮爛熳鹿靡藐以迭遏凌驚雷之硾硾兮弄狂電之淫喬踰瘞鴻於宕冥兮貫倒景而高厲廓盪盪其無涯兮乃今窺乎天外據開陽而頽眠兮臨舊鄉之諳藹悲離居而勞心兮情悁悁而思歸覓眷眷而屢顧兮馬倚輶而徘徊雖遊娛以媿樂兮豈愁慕之可懷出閭闔兮降天途乘焱忽兮馳虛無雲霏霏兮繞余輪風渺渺兮震余旗纊連翩兮紛暗曖儻眩兮反常間收疇昔之逸豫兮卷淫放之遐心脩初服之娑娑兮長余佩之參參文章負以燦爛兮美紛紜以從風御六藝之珍駕兮遊道德之平林結典籍而爲罟兮歐儒墨而爲禽玩陰陽之變化兮詠雅頌之徵音嘉曾氏之歸耕兮暮歷阪之巔峯恭夙夜而不貳兮固終始之所服夕惕若厲以省讐兮懼余身之未勑

苟中情之端直兮莫吾知而不恧默無爲以凝志兮與仁義乎逍遙不出戶而知天下兮何必歷遠以劬勞系曰天長地遠歲不畱俟河之清祇懷憂願得遠渡以自娛上下無常窮六區超踰騰躍絕世俗飄颻神舉逞所欲天不可階仙夫稀柏舟悄悄吝不飛松喬高跱孰能離結精遠遊使心携廻志揭來從玄謀獲我所求夫何思

歸田賦

張衡

遊都邑以永久無明畧以佐時徒臨川以羨魚俟河清乎未期感蔡子之慷慨從唐生以決疑諒天道之微昧追漁父以同嬉超埃塵以遐逝與世事乎長辭於是仲春令月時和氣清原隰鬱茂百草滋榮王雎鼓翼倉庚哀鳴交頸頷頩關關

嚶嚶於焉逍遙聊以娛情爾乃龍吟方澤虎嘯山丘仰飛纖繳俯釣長流觸矢而斃貪餌吞鉤落雲間之逸禽懸淵沈之鯀鯔于時曜靈俄景繼以望舒極盤遊之至樂雖日夕而忘劬感老氏之遺誠將廻駕乎蓬廬彈五絃之妙指詠周孔之圖書揮翰墨以奮藻陳三皇之軌模苟縱心於域外安知榮辱之所如

則三皇文轉

數用

皆殊無遺文

人而誠僉不疑不雲

之

之



